



Број/Број: 03/1- 50-1-9-31 08  
Сарајево/Sarajevo: 17.12.2008. godine

**Članovima Zajedničke komisije za odbranu i sigurnost BiH**

**PREDMET:** Informacija o sastanku s brigadnim generalom Costanzom Periotto

Zamjenik predsjedavajućeg Zajedničke komisije za odbranu i sigurnost BiH Šefik Džaferović održao je, 16.12.2008., sastanak s brigadnim generalom Costanzom Periotto, ličnim izaslanikom predsjedavajućeg OSCE-a iz Beča, u vezi s članom IV. Aneksa 1B Dejtonskog mirovnog sporazuma.

Sastanku su prisustvovali Dragica Hinić, sekretar, Željko Grubešić, stručni savjetnik, i Jovica Katić, stručni saradnik.

General Periotto upoznao je prisutne s aktuelnim stanjem u provođenju Sporazuma o subregionalnoj kontroli naoružanja. To je sporazum koji se u potpunosti provodi i koji će i dalje živjeti dok se ne nađe alternativa.

Centri za verifikaciju u ministarstvima odbrane BiH, Crne Gore, Hrvatske i Srbije veoma dobro saraduju, transparentno razmjenjuju potrebne podatke i sve to utiče na vrlo dobre odnose između predstavnika oružanih snaga regiona.

Šefik Džaferović podržao je izlaganje generala Periotta, uvjerio ga da su institucije BiH, posebno Zajednička komisija za odbranu i sigurnost BiH, privrženi i da podržavaju Sporazum o subregionalnoj kontroli u izvornom obliku, te da treba nastaviti pratiti njegovu realizaciju.

General Periotto ponudio je članovima Zajedničke komisije da tokom 2009. godine održi prezentaciju o temi „Realizacija Sporazuma o subregionalnoj kontroli naoružanja“ u PSBiH, te se saglasio da, u okviru programa posjete, dobiju priliku da svoj rad prezentiraju i predstavnici centara za verifikaciju BiH, Crne Gore, Hrvatske i Srbije.

Zamjenik predsjedavajućeg  
Zajedničke komisije  
**Šefik Džaferović**